



REPUBLIKA E KOSOVËS  
REPUBLIKA KOSOVA - REPUBLIC OF KOSOVA  
KOMISIONI I PAVARUR I MEDIAVE  
NEZAVISNA KOMISIJA ZA MEDIJE  
INDEPENDENT MEDIA COMMISSION



Komisioni i Pavarur i Mediave (KPM), duke u bazuar në nenin 3, paragrafi 1, të Ligjit Nr. 04/L-44 për Komisionin e Pavarur të Mediave si dhe nenin 19, paragrafi 2, të Rregullores për Shpërndarjen e Ofruesve të Shërbimeve Mediale Audio dhe Audiovizuele KPM-2020/01, më datë 26 shkurt 2022, mori këtë:

### VENDIM

**URDHËROHEN** të gjithë operatorët e shpërndarjes që përkohësisht t'i largojnë nga transmetimi kanalet me origjinë nga Federata Ruse, me qëllim të parandalimit të propagandës dhe mbrojtjes së sigurisë publike në Republikën e Kosovës.

### ARSYETIM

Të licencuarit e KPM-së janë të obliguar që përmes shpërndarjes së kanaleve në platformat e tyre, t'i përmbahen rregullativës ligjore në fuqi, konkretisht nenit 19, paragrafi 2, të Rregullores KPM-2020/01, duke i larguar nga platforma e tyre kanalet të cilat mund të nxisin ose rrezikojnë interesin nacional dhe sigurinë e përgjithshme të Republikës së Kosovës:

Duke marr parasysh situatën globale të sigurisë si dhe duke marr për bazë nevojën e ndërmarrjes së veprimeve ligjore të cilat i kontribuojnë paqes dhe ndalimit të propagandës e cila ka për qëllim rrënimin e rendit demokratik botëror; si dhe


Duke marr parasysh faktin se siguria e Republikës së Kosovës është e ndërlidhur me fatin dhe sigurinë e vendeve tjera demokratike, KPM-ja e vlerëson si të nevojshëm dhe të domosdoshëm marrjen e këtij vendimi.

Qëllimi i këtij vendimi është parandalimi i propagandës dhe mbrojtjes së sigurisë publike në Republikën e Kosovës dhe jo pengimi dhe cenimi i lirisë së fjalës dhe lirisë së medias.

Duke u bazuar në faktet e lartpërmendura, Komisioni vendosi si në dispozitivin e këtij Vendimi.

**Këshillë Juridike:** Palët mund të parashtrojnë ankesë në afat prej 30 ditësh në Bordin për Ankesa. Ankesa nuk e pengon ekzekutimin e këtij vendimi.

Vendimi hyn në fuqi në datën e nënshkrimit dhe mbetet në fuqi deri në një vendim tjetër.

  
Xhevat LATIFI  
Kryetar  
Komisioni i Pavarur i Mediave



26.02.2022  
data